

# 戊戌避暑游记

◆于洪恩

(邯郸市第二十三中学初二七班 河北邯郸 056000)

六月己未,戊戌将半,逢夏秋之交而暑热不退,自中原以至关外闷热难当,华北频现断电企业之用电而保民众纳凉之需求事。廿五日,余校内外之学业俱休,遂有举家避暑之意。子曰:智者乐水,仁者乐山。国人避暑之爱无外乎于山河之间寻云水之乐耳,念吾母之辛劳吾弟之年幼,弃山而就水不亦宜乎?

廿六日,吾父驱车,出赵都过魏属横跨齐鲁直抵海滨,于青黄之间遥见一桥,其名曰“胶州湾大桥”直似卧波飞龙盘亘于沧海之上,车行其间,波涛翻涌水天一色,海鸥翔集流风回云。凭栏远眺,碧波似欲噬远山,斜阳若欲坠沧海,临云踏波人如天地一尘埃,茫茫然不知身在何处矣。吾父叹曰“何须乘风破浪,已过碧波万顷,若李太白临此桥,当有不朽佳句传世。”心神一时为之而夺,尚未平息已至奥帆赛之旧馆、上合会之新址,恰逢华灯初上时,踱步徘徊迎风临海,五四广场高楼各异直插云霄,灯光秀千变万化,众游客摩肩接踵,寻觅良久难见三年前之旧迹,唯见霓虹滟滟逐海浪,波涛阵阵碎倒影。正所谓:入目处灯光璀璨,环顾时星月失色。如此这般方可匹配日新月异之中国速度!

后数日,沿海徐行,游琅琊之台,赏三观之亭,登蓬莱之阁,看日出东方照九州天下,观月照黄海壮波涛汹涌。徜徉其间心胸为之一阔,望潮起潮落云卷云舒,感时光之逝如斯不舍,小子亦不敢随波逐流荒废学业,观山海日月之暇亦读书而不辍,于孟秋首夜习作一首:“闲云送落日,沙鸥迎远客。厚积应似海,人暇学不辍。”

七月初二,再登刘公岛,苍松翠柏水天相接处兴尽而悲来,甲午旧地百年耻辱,尝闻人言其败也,武器之代差者半,经济之落后者半,窃以为谬矣,盖鸦片战争以降洋务兴起师夷长技以制夷,重金置铁甲之舰,北洋水师时称亚洲第一,甲午之战为近代华夏与列强武器代差最接近之战斗,惜乎其未战没于海疆之上,龟缩避让于威海卫内,岸炮沦丧令寇得之以炸我舰于港内,定远毁于鱼雷小艇镇远归于日寇舰队,不亦悲乎?

况两晋之辱于北朝,两宋之亡于金蒙,朱明之亡于满清,此三者文明经济武器皆强于敌国而辱于人手致生灵涂炭几于亡族灭种者何?夫两晋之天下,帝王共门阀士族之天下也,魏晋风骨于百姓何益?两宋之天下,帝王将相士大夫之天下也,文采风流于万民何益?朱明之天下,皇帝阉宦文人集团之天下也,清流气节于苍生何益?及至满清之天下,满蒙两族加土子走狗之天下也,剃发易服、文字成狱,万民为奴,焉得不亡?

近代以来,洋务变法,北洋军阀,国民新政,粉墨登场,轮番施为,奈何皆操神器而独裁,柄国政而私用,虽有利器止能欺民而已,尚言民众愚昧散沙一盘,真如此耶,窃以为其国不知有民,故而其民亦无国也。

千万人头落地,亿兆流离失所,唯我共产党能挽华夏于已倒,救中国于即亡者何也?无他,视人民为常人,予人民以尊严,赋人民以权利,开人民之智慧,知家国为一体,故能前赴而后继,愿同生与共死。建国立业发展至此,备尝艰辛牺牲无算,今日为李鸿章翻案,为民国鼓掌者不绝于耳,荒谬之论无过于此!烽烟方熄前辙未远之际,我国人实应深戒昨日之非,读史知今,少些人云亦云。

归途之中,绕行首都,夜探清华,日访北大,于静谧之学府寻前辈之师兄,自荐于前,言吾志于此,师兄不吝于赐教,心得体会告之疑惑迷茫戒之,相谈甚欢自觉受益匪浅,临别时分恰睹万园之园之残垣断壁,不甚唏嘘之至!呜呼哀哉!百余年大兴土木,雕梁画栋一朝付之成炬,其所聚天下之珍、所藏万国之宝,到头来尽为他人所有。更为深感,国之根为人民,国之本为农工,国之重器为教育,粮食足则民心安,工业旺则财用足,教育兴则科技兴,人心稳则国自强矣。十日游历,止于日寇投降纪念日,自觉颇有收获,遂于宛平城下卢沟桥畔记此游记一篇,以为来日勉励!

公元二零一八年八月十五日农历七月初五日于宛平城

